

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO - OPĆINA ILIDŽA
OPĆINSKI NAČELNIK
SLUŽBA ZA PRIVREDU I TURIZAM



BOSNIA AND HERZEGOVINA
FEDERATION OF BOSNIA AND HERZEGOVINA
SARAJEVO CANTON - MUNICIPALITY OF ILIDŽA
MUNICIPALITY MAYOR
ECONOMIC AND TOURIS DEPARTMENT

P R A V I L N I K

- **KRITERIJIMA, NAČINU I POSTUPKU DODJELE BUDŽETSKIH SREDSTAVA ZA SUFINANSIRANJE SAMOZAPOŠLJAVANJA NA PODRUČJU OPĆINE ILIDŽA**

Ilidža,
Oktobar, 2021.godina

Na osnovu člana 15. stav (1) tačka 2. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ broj 49/06 i 51/09), člana 90. Statuta Općine Ilidža - prečišćeni tekst („Službene novine Kantona Sarajevo“ broj: 33/10,18/16), Općinski načelnik, **d o n o s i**:

P R A V I L N I K

O KRITERIJIMA, NAČINU I POSTUPKU DODJELE BUDŽETSKIH SREDSTAVA ZA SUFINANSIRANJE SAMOZAPOŠLJAVANJA NA PODRUČJU OPĆINE ILIDŽA

I OPĆE ODREDBE

Član 1. (Predmet)

Pravilnikom o kriterijima, načinu i postupku dodjele budžetskih sredstava za sufinansiranje samozapošljavanja (u daljem tekstu: Pravilnik), uređuju se: korisnici, uslovi, namjena i kriteriji za postupak dodjele budžetskih sredstava, kao i druga pitanja u vezi sa dodjelom istih.

Član 2. (Svrha Pravilnika)

Svrha donošenja Pravilnika je uređenje postupka dodjele budžetskih sredstava za sufinansiranje samozapošljavanja žena sa područja općine Ilidža, a koje se nalaze na evidenciji JU Službe za zapošljavanje Kantona Sarajevo – Biro Ilidža.

Član 3. (Svrha dodjele budžetskih sredstava)

- (1) Svrha dodjele budžetskih sredstava je sufinansiranje samozapošljavanja nezaposlenih žena koje se nalaze na evidenciji JU Službe za zapošljavanje Kantona Sarajevo – Biro Ilidža (u daljem tekst korisnici sredstava).
- (2) Program sufinansiranja samozapošljavanja realizuje se samozapošljavanjem, odnosno registracijom samostalne djelatnosti korisnika sredstava sa područja Općine Ilidža.

II KORISNICI I USLOVI ZA SUFINANSIRANJE ZAPOŠLJAVANJA

Član 4. (Korisnici)

Korisnici programa sufinansiranja samozapošljavanja su nezaposlene žene, bez obzira na starosnu dob, radno iskustvo i stepen obrazovanja, a koje su prije dana objave javnog poziva bile prijavljene na evidenciji JU Službe za zapošljavanje Kantona Sarajevo – Biro Ilidža.

Član 5. (Uslovi)

Uslovi za ostvarivanje prava iz člana 3. ovog pravilnika su, da je nezaposlena žena:

- a) državljanka BiH;
- b) prijavljena na evidenciji JU Službe za zapošljavanje Kantona Sarajevo–Biro Ilidža i to prije dana objavljivanja javnog poziva;
- c) prije dana objave Javnog poziva ima prebivalište na području općine Ilidža;
- d) ima osnovne pretpostavke za bavljenje samostalnom djelatnošću na području općine Ilidža;

- e) do sada nije koristila sredstva za samozapošljavanje od strane JU Službe za zapošljavanje Kantona Sarajevo, Federalnog zavoda za zapošljavanje i Općine Ilidža,
- f) nije izvršila registraciju ili predala zahtjev za registraciju samostalne djelatnosti prije objave Javnog poziva.

Član 6.
(Korištenja sredstava)

- (1) Općina će korisnicima sredstava, sa kojima se zaključi ugovor o sufinansiranju samozapošljavanja, bez obzira na vrstu samostalne djelatnosti, u narednih 12 mjeseci od dana registracije djelatnosti isplaćivati poticajna sredstva u iznosu od 600 KM i to za sufinansiranje troškova doprinosa, a u slučaju da je iznos sufinansiranja veći od troškova doprinosa, ostatak iznosa sufinansiranja se koristi za isplatu dijela neto plaće.
- (2) Navedeni iznos se uvećava za iznos od 400,00 KM koji se dodjeljuje odmah po potpisivanju ugovora, a služi na ime troškova ili dijela troškova za registraciju samostalne djelatnosti.

III KRITERIJI, JAVNI POZIV I ROKOVI REALIZACIJE PROGRAMA

Član 7.
(Kriteriji)

- (1) Kriteriji za dodjelu sredstava su:
 - a) Vrijeme provedeno na evidenciji JU Službe za zapošljavanje Kantona Sarajevo–Biro Ilidža,

1.	do 6 mjeseci	1 bod
2.	od 6 mjeseci do 12 mjeseci	2 boda
3.	preko 12 mjeseci	3 boda

- b) vrsta djelatnosti koja će se obavljati

Proizvodnja	10 bodova
Uslužna djelatnost	8 bodova
Poljoprivredna djelatnost i domaća radinost	7 bodova
Ostale djelatnosti	5 bodova

- c) starosna struktura nezaposlene osobe

osobe preko 45 godina starosti	10
osobe od 35 do 45 godina starosti	8
osobe do 35 starosti	6

- (2) Kod istog broja bodova prednost se daje podnosiocu prijave koji je duži period na evidenciji nezaposlenih JU Službe za zapošljavanje Kantona Sarajevo – Biro Ilidža.

Član 8.
(Javni poziv)

- (1) Sredstva se dodjeljuju na osnovu Javnog poziva za sufinansiranje samozapošljavanja koji objavljuje Općinski načelnik na prijedlog Službe za privredu i turizam i Službe za finansije,
- (2) Javni poziv za sufinansiranje samozapošljavanja objavljuje se na web stranici Općine Ilidža i oglasnoj ploči Općine Ilidža, a u dnevnim novinama će se objaviti obavještenje o raspisivanju Javnog poziva.

Član 9.
(Prijava na javni poziv)

Prijava na javni poziv za samozapošljavanje treba da sadrži:

- a) Kratak opis djelatnosti i poslovnog plana na prijavnim obrascu koji će biti dio Javnog poziva;
- b) Kopija lične karte (kopija ovjerena kod nadležne općinske službe);
- c) Potvrda o mjestu prebivališta – CIPS prijava, ne starija od 30 dana, (kopija ovjerena kod nadležne općinske službe);
- d) Potvrdu JU Služba za zapošljavanje Kantona Sarajevo – Biro Ilidža da se aplikant nalazi na evidenciji nezaposlenih - ne starija od 30 dana;
- e) Izjava ovjerena kod nadležne općinske službe da aplikantica nije koristila nepovratna sredstva za samozapošljavanje od strane JU Službe za zapošljavanje Kantona Sarajevo, Federalnog zavoda za zapošljavanje i Općine Ilidža,
- f) Izjava ovjerena kod nadležne općinske službe da aplikantica nije izvršila registraciju ili predala zahtjev za registraciju samostalne djelatnosti prije objave javnog poziva,
- g) Izjava ovjerena kod nadležne općinske službe da će aplikantica izvršiti registraciju samostalne djelatnosti najkasnije 30 dana od dana potpisivanja Ugovora i da istu neće odjaviti u roku od 12 mjeseci od dana potpisivanja ugovora.

IV POSTUPAK IZBORA

Član 10.
(Komisija za vrednovanje prijava)

Vrednovanje/bodovanje i odabir lica za poticajne mjere iz člana 1. Pravilnika vršit će komisija imenovana od strane Općinskog načelnika. Komisija ima predsjednika i četiri člana.

Član 11.
(Rad komisije)

Nakon provedenog Javnog poziva, Komisija je obavezna da:

- evidentira prispjele prijave;
- razmatra formalno-pravnu urednost prispjelih prijava;
- izvrši vrednovanje i bodovanje prijava koje ispunjavaju uslove i kriterije Javnog poziva iz člana 7. Pravilnika;
- sačini prijedlog Odluke o uplati sredstava iz člana 6. Pravilnika i dostavi općinskom načelniku u roku koji je predviđen rješenjem o imenovanju Komisije.

Član 12.
(Vrednovanje/bodovanje prijava)

Vrednovanje/bodovanje prijava se vrši na osnovu priložene dokumentacije, u skladu sa kriterijima iz člana 7. Pravilnika.

Član 13.
(Odluka o dodjeli sredstava)

- (1) Komisija iz člana 11. Pravilnika sačinjava prijedlog Odluke o dodjeli sredstava na osnovu kriterija iz člana 7.
- (2) Odluku o **dodjeli** sredstava donosi Općinski načelnik i ista se objavljuje na web stranici Općine Ilidža, uz primjenu Zakona o zaštiti ličnih podataka.

Član 14.
(Zaključivanje ugovora)

- (1) Nakon donošenja Odluke, Općinski načelnik zaključuje ugovore sa osobama/aplikantima čije su prijave za učešće u programu samozapošljavanja prihvaćene.
- (2) Ugovorom iz stava (1) ovog člana uređuju se prava i obaveze Općine i korisnika sredstava sufinansiranja.
- (3) Općina Ilidža će korisnicima sredstava za sufinansiranje samozapošljavanja, u narednih 12 mjeseci isplaćivati poticajna sredstva u iznosu od 600 KM. Navedeni iznos se uvećava za dodatnih 400 KM jednokratno, na ime refundacije troškova ili dijela troškova za pokretanje samostalne djelatnosti.
- (4) Korisnici sa kojima se potpiše ugovor i uplate sredstva od 400 KM na ime registracije djelatnosti, obavezuju se da će djelatnost registrovati u roku od 30 dana od dana uplate, te da ne mogu djelatnost odjaviti u roku od 12 mjeseci.
- (5) Korisnici sa kojima se potpiše ugovor i uplate sredstva od 400 KM na ime registracije djelatnosti, a koji su izvršili registraciju ili podnijeli zahtjev za registraciju samostalne djelatnosti nakon objave Javnog poziva, dužni su dostaviti dokaz o registraciji djelatnosti u roku od 30 dana od dana uplate, te ne mogu djelatnost odjaviti u roku od 12 mjeseci od potpisivanja ugovora.

Član 15.
(Realizacija, moritoring, praćenje)

- (1) Rok za realizaciju Programa samozapošljavanja je 15 mjeseci od dana potpisivanja.
- (2) Monitoring i evaluaciju Programa zapošljavanja, vršit će Služba za privredu i turizam.

Član 16.
(Izveštavanje prema Općinskom vijeću)

O efektima realizacije programa zapošljavanja, Općinski načelnik će izvještavati Općinsko vijeće Ilidža putem godišnjeg izvještaja o radu.

Član 17.
(Stupanje na snagu i objava)

Ovaj Pravilnik stupa na snagu danom donošenja, a bit će objavljen na web stranici i oglasnoj ploči Općine Ilidža te Službenim novinama Kantona Sarajevo.

Broj:
Ilidža,

OPĆINSKI NAČELNIK

Nermin Muzur, magistar uprave, s.r.